

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10), a u vezi sa Zaključkom Vlade Zeničko-dobojskog kantona broj: 02-14-14252/12 od 20.06.2012. godine, Vlada Zeničko-dobojskog kantona, na prijedlog Kantonalne uprave za inspekcijske poslove, na 75. sjednici, održanoj 12.08.2012. godine, d o n o s i

ZAKLJUČAK

I.

Usvaja se Izvještaj o ukupnom iznosu sredstava koja su uplaćena u korist Budžeta Zeničko-dobojskog-kantona, od naknada za obavljene veterinarsko-zdravstvene preglede i kontrole od strane kantonalnih veterinarskih inspektora i veterinarskih organizacija u periodu od 2008-2011. godine.

II.

Zaključak stupa na snagu danom donošenja.

Broj: 02-_____ /12.

Datum, 16.08.2012. godine

Z e n i c a

PREMIJER

mr.sci .Fikret Plevljak, dipl.ing.

DOSTAVLJENO:

1x Kantonalna uprava za inspekcijske poslove,

1x a/a.

Izveštaj

o ukupnom iznosu sredstava koja su uplaćena u korist Budžeta Zeničko-dobojskog kantona, od naknada za obavljene veterinarsko-zdravstvene preglede i kontrole od strane kantonalnih veterinarskih inspektora i veterinarara iz veterinarskih organizacija

Zaključkom Vlade Zeničko-dobojskog kantona broj: 02-14-14252/12 od 20.06.2012. godine, zadužena je Kantonalna uprava za inspekcijske poslove da u roku od 15 dana, Vladi Kantona dostavi podatke o ukupnom iznosu sredstava koja su uplaćena iz fondova Federacije Bosne i Hercegovine u Budžet Zeničko-dobojskog kantona u periodu od 2008.-2011. godine, u svrhu postupanja po odredbama Pravilnika o visini naknade i načinu raspodjele sredstava za obavljene veterinarsko-zdravstvene preglede i kontrole na teritoriji Federacije Bosne i Hercegovine i da dostavi pregled utroška tih sredstava po vrsti i korisnicima.

Finansijska sredstva od naknada za obavljene veterinarsko-zdravstvene preglede i kontrole koje obavljaju kantonalni veterinarski inspektori i veterinarari iz veterinarskih organizacija, su sredstva koja su izravno uplaćivana u korist Budžeta Kantona, u skladu sa Pravilnikom o visini naknade i načinu raspodjele sredstava za obavljene veterinarsko-zdravstvene preglede i kontrolu ("Službene novine FBiH", broj:18/09, 57/09, 66/09, 5/10 i 28/10) i novim Pravilnikom ("Službene novine FBiH", broj:51/11 i 55/12), od strane subjekata koji su registrovani za proizvodnju i obradu prehrambenih proizvoda i veterinarskih organizacija.

Navedeno pojašnjenje je dato iz razloga što se u konkretnom slučaju ne radi o sredstvima koja su uplaćena iz fondova Federacije BiH, kako je to navedeno u Zaključku.

Odlukom o raspodjeli sredstava broj: 02-14-2189/10, koju je 21.07.2010. godine, koju je na prijedlog Kantonalne uprave za inspekcijske poslove donijela Vlada Kantona, odobrena je raspodjela uplaćenih sredstava za obavljene veterinarsko-zdravstvene preglede i kontrole izvršene od strane kantonalnih veterinarskih inspektora, u objektima koji su pod nadzorom kantonalne veterinarske inspekcije i to:

- 50% Kantonalnoj upravi za inspekcijske poslove, budžetska organizacija 2601001, za rad službenih veterinarara i jačanje njihove kadrovske i tehničke opremljenosti,
- 50% Ministarstvu za poljoprivredu, šumarstvo i vodoprivredu, budžetska organizacija 2301001, za mjere zdravstvene zaštite životinja na području Kantona.

U skladu sa navedenom Odlukom Ministarstvo finansija, Sektor za trezor, Odsjek za računovodstvo budžeta, izvršilo je preknjiženje sredstava koja su uplaćena od 01.01.2010. godine, do dana stupanja na snagu navedene Odluke (20.08.2010. godine), tako da se navedena sredstva od 01.01.2010. godine, u Budžetu Kantona vode kao namjenska sredstva, na kontu 391192- Razgraničeni prihodi za namjenska sredstva.

Sredstva koja su po ovom osnovu uplaćena nakon stupanja na snagu navedene Odluke o raspodjeli sredstava, knjižena su kao namjenska sredstva, u skladu sa članom 1. Odluke.

Ukupno uplaćena sredstva od naknada za obavljene veterinarsko-zdravstvene preglede i kontrole u 2010. godini, iznosila su 170.991,67 KM, a od toga je Upravi od strane Ministarstva finansija raspoređeno 85.495,83 KM.

Navedenim sredstvima raspolagala je ova Uprava, na osnovu Programa utroška za 2010. godinu, pod nazivom „Program nabavke stalnih sredstava“ Kantonalne uprave za inspekcijske poslove za 2010. godinu u ukupnom iznosu od 80.000,00 KM, koji je usvojen Zaključkom Vlade Zeničko-dobojskog kantona broj: 02-14-30499/10 od 08.11.2010. godine.

Navedeni Program utroška sredstava realizovan je u iznosu od 2.637,00 KM, o čemu je Vladi podnesen Izvještaj o utrošku sredstava, koji je usvojen Zaključkom Vlade broj: 02-14-12954/11 od 29.04.2011. godine.

Ukupno uplaćena sredstva od naknada za obavljene veterinarsko-zdravstvene preglede i kontrole u 2011. godini, iznosila su 172.235,53 KM, a od toga je Upravi od strane Ministarstva finansija raspoređeno 86.117,76 KM.

Navedenim sredstvima raspolagala je ova Uprava na osnovu Program utroška za 2011. godinu, pod nazivom „Program nabavke stalnih sredstava“ Kantonalne uprave za inspekcijske poslove za 2011. godinu u ukupnom iznosu od 100.000,00 KM, koji je usvojen Zaključkom Vlade Zeničko-dobojskog kantona broj: 02-14-21004/11 od 04.08.2011. godine.

Navedeni Program utroška sredstava realizovan je u iznosu od 95.673,63 KM, o čemu je Vladi podnesen Izvještaj o utrošku sredstava, koji je usvojen Zaključkom Vlade broj: 02-14-6502/12 od 15.03.2012. godine.

Sredstva od naknada za obavljene veterinarsko-zdravstvene preglede i kontrole, u toku 2010. i 2011. godine, od strane ove Uprave su utrošena na transparentan način, uz poštivanje svih utvrđenih procedura, o čemu kao dokaz u prilogu Izvještaja dostavljamo:

1. „Program nabavke stalnih sredstava“ Kantonalne uprave za inspekcijske poslove za 2010. godinu, sa Zaključkom Vlade Kantona broj: 02-14-30499/10 od 08.11.2010. godine.
2. Izvještaj o utrošku sredstava po Programu nabavke stalnih sredstava za 2010. godinu, koji je usvojen Zaključkom Vlade, broj: 02-14-12954/11 od 29.04.2011. godine,
3. „Program nabavke stalnih sredstava“ Kantonalne uprave za inspekcijske poslove za 2011. godinu, sa Zaključkom Vlade Kantona broj: 02-14-21004/11 od 04.08.2011. godine,
4. Izvještaj o utrošku sredstava po Programu nabavke stalnih sredstava za 2011. godinu, sa Zaključkom Vlade Kantona broj: 02-14-6502/12 od 15.03.2012. godine.
5. Račune o utrošku navedenih sredstava.

S poštovanjem!

Izvještaj sačinili:

Indira Krujeziu, sekretar Uprave

Azra Suljičić, stručni saradnik za ekonomsko-analitičke poslove

Prilog: Kao u tekstu

Dostavljeno:
1 x Naslovu,
1 x a/a

DIREKTOR

Silajdžić Mirsada, dipl.ecc.